

道意昭融夜來位念頌玉清之寶錄金液鍊

形授金闕之瓊篇丹臺杖錄上祝

坤宮殿下神儀執握龍章御登鳳輦徑入清

虛之境飛昇太漠之鄉位列真仙名刊紫冊

安瑤池而延景居桑闕以怡神誼道無為超

登有在上明

天尊大慈之化下副臣等請

命之誠謹恭以聞

十二願

一願天恩普降

二願符命遐宣

三願玄壇警肅

四願萬聖臨軒

五願千真朝仰

六願萬炁齊仙

七願回尸起死

八願度品南宮

九願天清氣朗

十願河海晏然

十一願輪轉得道

十二願飛昇上清

復爐前 出堂

謝師 回幕

玉籙大齋第一日午朝儀

玉籙大齋第一日晚朝儀

各禮師存念如法

神光朗耀 瑞炁匝旋 箕斗映輝 芒宇晏然

玉眸含真 寶壇純乾 變夜作晝 回子午前

太華流珠 丹鳳飛玄 息魔滅奸 高步祥烟

天真普集 齊到帝前

發爐前

請稱法位

具位 與臨壇官衆等謹同誠上啓

虛元自然元始天尊元極大道太上道君太

上老君高上玉皇十方已得道大聖衆至具

諸君丈人三十二天帝君玉虛上帝玉帝大

帝東華南極西靈北真玄都玉京金闕七寶

瓊臺紫微上官靈寶至真明皇道君三十六

部尊經玄中大法師上相上宰上保上傳太

平下教二十四真人西城總真王君太乙真

人東嶽上卿司命茅君定錄保命二真人名

山洞府得道神仙三界官屬一切真靈

臣聞三色藏輝立天根於混沌一神隱妙眇

億劫於鴻濛道達重玄理做太漠無形無緒

若存若亡涵萬象以凝精從九陽而開劫散

冥寂玄通之炁上冠丹霄林芒虛鬱秀之香

肇開玉曆自然所化無文不明臣等宿契仙

儲叨承靈會竊神章而踴躍遐想思真蒙大

梵以生成精修演教凡有所啓敢不以聞齋

恣青詞謹當宣奏

宣詞

具如詞言不違懇款息惟大道分別請祈

臣聞道開五劫浮光明於空洞之中法出三

乘顯濟度於幽冥之內常清常靜曰聖曰神

臣等肅奉清齋初臨靜夜神風靜默河源灌

東井之華璇漢昭回石景吐玄陰之魄接群

仙而垂蔭聚九炁以含烟恭假香傳奏修齋

直以今晚景行道請法衆等運茲初捻上香

願此香烟騰空徑上供養

虛元至真自然大道元始天尊願以是捨香

功德上祝

當今皇帝介福無疆伏願道合三微躬膺百

祿稷穰簡簡受帝祉以無疆穆穆皇皇荷天

休而滋至以萬億萬年之祐永膺九五福之

名四海做同八方真服今故燒香自皈依道
 尊大聖至真之德得道之後保天長存
 臣聞杳然无象神歸妙有之庭修爾忘形道
 在至虛之境既推默念允格丹衷以今落景
 行道請法衆等運茲二捨上香
 願此香烟騰空徑上供養
 玉晨至聖自然靈寶大道天尊願以是捨香
 功德上資
 所薦神儀伏願鍊質虛无凝神太素丹臺杖
 籙高標積善之文紫府言功進陟上仙之品
 茂延洪福裕護邦家垂祐儲官保寧寰海冥
 百官而精白俾六服以蕃昌永輔
 皇圖益綏寵祿今故燒香自皈依經尊大聖
 衆至具之德得道之後昇入無形
 臣聞積功曠劫由廣度於人天進品仙階在
 普濟於幽顯用弘真教以闡玄功以今落景
 行道請法衆等運茲三捨上香
 願此香烟騰空徑上供養
 混元大聖自然化主道德天尊願以是捨香
 功德上資

宗桃先聖社稷尊靈伏願進品玉京飛形翠
 景還元復本自九轉以成仙合妙登真參八
 辰而會道餐天音於靈府敷帝席於泥丸太
 乙輔精帝君品命然願佩持寶籙飛昇金闕
 之中偃息瓊車徑上瑤臺之上福流
 國祚惠及東區今故燒香自皈依師尊大聖
 衆至真之德得道之後昇入無形
 懺悔 三啓 三禮
 重禱法位
 具位 與臨壇官衆等謹同誠上啓
 三清至尊十方上聖玉京金闕天帝天具十
 方師尊聖衆三界官屬一切威靈
 臣聞三界禮房奉齋盟於三過九陽結篆通
 冥漢於九幽巨等宿植慶根垂爲玄裔所宜
 諸塵漏盡從容十日之長齋萬徧修行披胃
 九天之靈賜既奉飲丹之誓敢忘列券之盟
 濟物度人積功累行今奉來旨追念
 神靈伏望
 上帝垂慈高真洞鑒恩頒南極俾金液以鍊
 形命布東華其玉真而校錄遷神開死偃息

華房道遠清淨之鄉遊宴虛无之境則上明
 天尊大慈之化下副臣等皈命之誠謹啓以
 聞

- 一願慈輝普映
- 二願慧日光垂
- 三願天恩普度
- 四願悟道無爲
- 五願青華錫命
- 六願遊宴丹臺
- 七願神昇紫極
- 八願鳳馭徘徊
- 九願福延國祚
- 十願登上蓬萊
- 十一願萬真降鑑
- 十二願陞進瑤階

謝師 回幕

玉錄大齋第一日晚朝儀